

Tesigisgeg eta alasotmamg, oeli glijemg ag gitjgatj oelategemggtjtj negem, tōgo mesnemegel gtjialasotmagancl.

Tali olaloetjig etogoteog gisna etogemegeog?

Negem pa gtjino Mali oegela ignemoasenei sapeoilittjel Simōol aglasieoagig aniapsoinlo Galmeligtog alsosilisenei ag teplotemoasenei metj ogtangoeloan telōtllitji pemaogsoitlittji, gatol npotillitji ag gsispasoeogatg epollittitji.

Tali alasotmamg?

Mōgoetj eta atji alasotmamg, pa sig metj teli olgotamg, tēpgig ag nagoeg, tōgo atignatimg olmeton, oli alasotman ag ollogeo.

Etoq pilooeg aptj elapalotjig etogoteog?

Amotj eta tjel pigoelgig: getj eonegig ogtjtj Mali meltami pegatjeg, megoegig ogtjtj glotjleogtasit, oapegig nespetg glotjleoei eoneg ag megoeg otjtj oli ngotj Nesesoti, magtaoegig ogtjtj eloeneg tesigel mesgetasotli; oegela tōg ag galmleoeog telōtotjig nanonemg-sitjig; aptj nenōitjig Sesos ogoamlamon, Sapeoit Sōsep ag gtegig, tanig mo pa mset gisi oli eoamegig, pa sig mōgoetj pepsitelmamegig, meta lōg gisi olaloetjig.

Oen ta temg sonming ignemosenig?

Sapeoit Tōmnig eta, tōgo gotjinag papeoitjig lōg oinpatjigtotgoig siat oli gimaneno, ptjilio tan telōtōgsitj sonmingeol tēpgenoset (gollen n. 53).

Gōgoel ta ogtjtj megitelmotjig sonming?

Elapalotjig eta, gelolgel pitegel alasotmagancl ag oelapolemegol mesgigel ogsetōgōni pagalalotli.

NEPGIG ALASOTMELSEOANETJ

Losil ag Monig Malsan geginoatji oitapaoa: Ngitjinenag neppag 30 tes, sig. pesgonateg atjlep, gisi igalotag magamigeg 1 tes, pag. tēpg., pesgonateg tesipongeg tell pgitjisingag onpōgōnega, tell pgitji gsinogoatag, ogo-moltjin tesisgegiponatag tjel nan piamtesgig 85 gisigoisgōg, Plasoe Malsan-igōg Loisōga teloisitag; ag maol nsetoegag ngitjinenag tan tell gaglōja ogtetjoeol gamlamoti nogo ogsonminemg oesoalatji ag oesage/matji, ag negao nengigoinagig angoeiagatgig ninen maol eolettjeg epiteoog, mōgoetjinem angoeolnameg, gato Glsolg ignemoainametj gisi angoeiagatgig glapis magamigeg gisismattjig.

Tesitjig neppig matnagneg tōg oetjategemgeg ag nige totjloa: gisigo Noel Oenotj ag gisigo San Oenotj, Anitjen Tetam Lemī Alnao otepitemel; mitjoatjtjig Toma Tetam ogōitjtjel telōsit Taniel, Magsim Sam ototjtjel telōsit Mali Senepiep. Tesitjig elp

ogsitgamog petjtjatig. Piel Ginis ototjtjel telōsit Elisapet, Piel Magat ototjtjel telōsit Isapel, Misel Oenotj ototjtjel menag sigentasioq.

Gotjinvag patkiasag Molisiōg neppag amsgoes elogotimgeg 30 iteg sigōogos, otgotalotag 2 iteg penatemoigos, nōogomatot, mesgigeg otgotamgep, ma pogoeltenogol otgotamgel nemitasiggel na telgigel ola listogotjtjiga, ag mesgig onmatjitasoagen ola elmega, aglasieog ag mīgmag hlog, ag tan pa sig oen, etli otgotasit otang tjatamga gtjipatkias eiga, tēloemges 1820 tesipenig mim-atjōinoogig negela eigig otgotamgeg Ag telimolōg, nōogomatot, eolettjigo ma oettjilago aptj teli gelosit malpaleoit, 30 tesipongeges opgitatemen paltapōg ag oginamoan lno onitjanga esgenōpetjtjiga. Nin. Listogotjtjig.

Melsignatig nesisitjig mitjoatjtjig nepotjtjig.

Elsetgotj epitesisag nepgepenag teloisitag Olsoi Lol. Ag gesinogoat epitelōsit Malgellit Pitel, elp gisipo Gapiel Migel gis tapoipongeg ogesinogoana, ag gteg gisigo gesinogoat Gapiel Glōt tan maol gisigoit ola otanga 88 tesiponat. Lno sagmao Sag Mios mōgoe gesi oleiog ola gesiga.

Epitag neppag 6 tes. pag. tēpg. Isapel Sillipal teloisitag Nigtoega pōgmega, taposillitji, naglatji mitjoatjtji, epitetjtjel ag elpatotjtjel tapo egentleolimgeol.

Listogotjig 25 tes. neo atjelitge esgitpog neppag gisigoag Mall Ann Aitjigōg Noel Malsan otepitema.

Gtagamgog gisageoigos 31 iteg 1907, nagsi npegag gisigoigōg Mall Lōs Tōmōg, pa sig neogtigisgeg tan melgi gsinogoatag, tōgo mo getjiatag pa sig teleg istege nepatjel, patkias oetjōō elg, gato tjel mo gisi nemiagoa.

Elp Malgellit Penoe nepp, miaopogeg naglatjel otjlnemomel ag 6 tesillitji mitjoatjtji; tan maol notgoeg tapogonageol Tjinemtjtj, nepillitj ogtjela. Gisigo Noel Pal nepp alesepe.

Onamagig oagmetgog sigōoigos 9 tes. neppag Mall. Aselig Selepal 19 tesiponatag; elp epites 11 tes. nepp Malitj Pal teloisit gisi pitōl gemnieoitat. Ap pigoelg oen nepp ola gesig otana ag oasōg elpitj toteminoa.

Pigōp pag. tēpg. 8iteg tllisip neppag elpatosag Eglam Piel Pōl teloisitag 23 tetotjiegag, gespeteg otgotalotag, ag patkias oegoao eiges agentleolimgeg etiltōg alameseg ag etli gogonotgig stōgōngiga; mset oen oelitasit. Aptj gelolgeg pageolmggeg nagoega tell alasotmamgep.

Oegōgmag Sain Pelnalōg nepgepenag ola Mali tēpgenoset 1 tes, 1908, tetotjegag nesinsgegiponatag tjel neo, notji ginamoetag, gagl msengeg tan oen telimimat getol npega, oetjan neogte-